


v 1 I alo iti wori, padumi Yesu hangko i sou, lao mohuda i wiwi rano.




2 Bosa mpuu tauna teruhu motoleliki, ido hai laomi mesawi i duanga hai mohuda i laluna. Tauna bosa meangkahe i wiwi rano.



3 Roo indo, Yesu mopahaweae ngaia pakana paturo i lalu ngkora pandiri, Nauli, "Ara hadua tauna au lao mohawu. 4 I pohawuna iti, ara tinuda au manawo i rara. Hawehe tadasi, motilo tinuda iti duuna ope.




5 Ara wori tinuda au manawo i tampo au mowatu-watu, haodi pea tampona. Tinuda iti holiga mpuu tuwo, lawi manipi tampona.




6 Ane kealo, malau duuna bangi, lawi bara kaladu uakana.



7 Ara wori tinuda au manawo i lalu dui. Dui mobalungkuhi tinuda iti, alana mate.



8 Ara wori tinuda au manawo i tampo au marudu. Tinuda iti mowua, ara au hangatu belana hangko i tinudana, ara au ini pulona belana, hai ara au talu pulona belana.”



9 Roo mopahawe ngkora pandiri iti, Nauliangaamohe, “Hema au motalinga, nipehadingi maroa!”